



### **2021-imut Inatsisartut aningaasanut inatsisissaattut siunnersuut** (Aningaasaqarnermut naalakkersuisoq)

### **2021-imut Inatsisartut aningaasanut inatsisissaattut siunnersuut**

Inuit Ataqatigiit naalakkersuinikkut sulinitinni uppernassuseqarnissarput pingaartipparput. Nalunngilarput naalakkersuinikkut sulinitinni ilaanni “umiarsuarmi ilaasut iluarinngisaannik aalajangigassaqartassagatta. Qulakkeertuassavarpullu umiarsuarmi ilaasut tikikkunik paasiumaaraat, aalajangernivut pisariaqavissimasut, aaliangiinivullu tikinnermut pissutaasimassasut. Naalakkersuinikkut siunertaq anguniagarlu upperisariaqarpoq. Inuiaqatigiinnut qineqqusaarutivut qinersiseqarnitsinnut tunngaviummata oqaaseqaammi matumani Inuit Ataqatigiit naalakkersuisooqatigiinnut isumaqatissarsiornermut sammitissavagut.

Ullumikkut Naalagaaffiit Peqatigiit Meeqqanut ullorititaat aamma Naalagaaffiit Peqatigiit Meeqqat pisinnaatitaaffii pillugit Isumaqatigiissutaat nalliussineqarput. Ulloq nunarsuarmioqatigiit inooqatigiinnikkut pissuseqatigiinnerannut allannguinerup ullua, tassaavoq pitsaanerumik ataqeqatigiittumillu inooqatigiinnissamik naqissusiinerit annertuut ilaat. Ulloq nuannersumik eqqaasassarput naleqartitaasoq.

Inuit Ataqatigiit Inatsisartut aningaasanut inatsisissaat pillugu naalakkersuisooqatigiinnut apeqqutigaarput nioqqutissanut akitsuutit atorunnaarsinnissaat pillugit aalajangiinissaq piareersimaffigineraat. Apeqquteqarpugut takusinnaagatsigu Siumup qineqqusaarnermi kingullermi qineqqusaarutaa ima oqaasertaqartoq:

### **Nioqqutissanut akitsuutit – inuit nammatassinnagit**

Issuaavunga: “Nunatta nammineq isertittagaasa qaffakkiartornerat ilutigalugu nioqqutissanut akitsuutit aningaasaqarnitsinnut isumalluutaanerat annikilliarortinneqartassaaq, aammalu atortut nioqqutissiassallu inuussutissarsiornermi inuuniarnermilu pisariaqartitat salliutillugit akitsuutit inissinneqartassallutik. Nioqqutissanut, pigisanut nalilinnut assigisaannullu akitsuusersuisarnermi innuttaasut atugarisaat aallaaviussapput.” Issuaaneq naavoq.

Tassami tamassi nalunngilarsi 2018-imi naalakkersuisut Piitsuusseq Naligiinnginnerlu pillugit Nassuiaat Inatsisartunut saqqummiukkaat, atuarsimassavarsilu. Tassani anaanaasup meeqqami oqaatsit issuassavakka: “ Ullut tamaasa unnukkut nerisassioranngilanga. Iffiat panertut nerisarpagut. Tassami unnuvit tamaasa naatsiiartalinnik, naatitartalinnik, neqilinnik tamanillu akulinnik iganissara akissaqartinnigilara. Sipaarniartuartariaqarpunga, tamannalu ajornakusoortaqaaq. Qiviaannarluta angisuutut isikkoqaraluarpuq, tamatumunngali pissutaaginnarpoq akikitsuinnarnik nerisaqaratta. Meeqqakka nerisamikkut akikitsuutigut aanaveersaatitortaaqat. Kisianni sapinngisannik pitsaanerpaamik iliortarpunga.” Issuaaneq naavoq.

Tassa naalackersuinikkut uppersaatissarpassuit akornanni tigulaarivunga, naak uani naalackersuisut nassuiaataani inoqaterpassuagut akissaatikittut ulluinnarni inuuniapiloornerat inoqaterpassuattalu piitsutut inuusut atugaat atuarlugit ilungersuummernartut amerlagaluaqisut. Naalackersuinikkut uppersaatissarpassuaqarpoq nioqputissanut akitsuutit qaffannerat atorunnaarsissallugu tunngavissaqartugut. Siumup uppersassutsini annaassanngikkuniuk akitsuutit atorunnaarsinnissai soq tunuarsimaarfiginerpaa?

Demokraatit partiit anguniagaat siunertaalu ima oqaasertaqarpoq. Issuaavunga: "Akitsuut tassaa-ginnarpoq akileraarut toqqortigaq, taannalu equngasumik eqquigajuttarpoq, kikkut tamarmik qanoq isertitaqarnertik apeqputaatinagu assigiimmik akiliisinnegartarmata." Issuaaneq naavoq. Nunatta qitornai pilersinneqarsimavoq inuit nunatsinni akinik qaffakkaluttuinnartunik atugaqarnermikkut sakkortusiartuinnartumik artukkerneqarneqalernerat akiorniarlugu. Tassa oqarluaannaraanni, naalackersuisooqatigiit politikikkut tunngavigisatik qimallugit ingerlatsinertik nanginniarnarpaat? Imaluunniit akitsuutit atorunnaarsinniarpisigit taamatullu inuit inuuniarnikkut atugaat oqilisaanniar-lugit?

Naalackersuisooqatigiit oqaatigaat nunatsinni akitsuutit qaffanneqaqqissanngitsut, massakkulli aningaasanut inatsisissatut siunnersuummini akitsuutit aqputigalugit aningaasat isertitassat 11 mio. kr.-inik isertitaqaataanerunissaat naatsorsuutigaa, taamaammallu kommunit ataatimoortumik tapiissutit tunngavigalugit 11 mio. kr.-nit sipaarutigineqassasut siunnersuutigaa. Inuit Ataqatigiit isumaqataanngilagut kommunit innuttaasalu aningaasaqarnikkut pitsaanerusemik atugassaartinna-veersaarlugit naalackersuinikkut ingerlatsisoqarneranut.

### **Sulinermut ilanngaat nunatta karsianut**

Naalackersuisut tunuliaqutaasalu sulinermut ilanngaat atuutilersoq inuiaqatigiinni aningaasarsior-nikkut atugarissaarnermik pilersitsinissamat isumalluarsaarutigisaat inuit ataqatigiinniit tusarlu-arsimavarput. Naatsorsuutigisimannikkaluarparput sulinermut ilanngaat aallaavigalugu kommunit aningaasarsiorluarnerunissaat pissutigalugu 18 mio. kr.-inik kommunit pissarsinerunissaat pissuti-galugu ataatimoortumik tapiissutit kommunit iluaqutissaagaluit 18 mio. kr.-inik sipaarniarfigi-neqassasut. Iisimalereerparpullu ingerlatseqatigiiffinnut akileraarutip appartinnera tunngavigalugu kommunit 25 mio.kr.-nit pallillugit aningaasaateqarnerulernissaagaluaat aamma ilanngullugu Naalackersuisut tunuliaqutaasalu kommunit iluanaarutissaralut nunatta karsianut nuutsimmatikkik.

### **Kommunit aningaasaqarnikkut nukittuut?**

Aningaasaliissutinut allannguutissatut siunnersuutit 62-it Naaalackersuisut saqqummiuppaat. Taak-kunanga 54-it aningaasaliissutinut allannguutissatut siunnersuutaapput, oqaasertaliussanut 8-nik allannguisoqarnissaa siunnersuutaalluni. Naalackersuisut allannguutissatut siunnersuutit saqqummi-unneqartut tunngavigalugit kommunit aningaasaateqarnerulissutigisassaannik pinaveersaartitsinerat Inuit Ataqatigiinniit isumaqatiginngisatsinnik suliaqarsiamnerat malugaarput.

Naak Siumup ataatimeersuarnermini aalajangersarsimasai anguniagassaasut Inuit Ataqatigiinniit isumaqatigisavut ima oqaasertaqaraluartut: Issuaavunga :

"Siumup anguniarpaa kommunit aningaasaqarnikkut suliassatigullu namminersortuunerisa ineri-artortinnissaat, kommuninik aqqissuusseqqinnermi pilersaarusiaasimasut isumaqatigiissutillu nu-taat malillugit. Kommuuninut politikikkut tunngaviusumik Siumup siunertatut anguniagarai, mak-kuusut...

Nunatsinni najugaqarfiit naligiimmik ineriartortinneqassaput. Nunatsinni sumiluunniit najugaqaralarutta pitsaasumik atugaqassaagut. Najugaqarfiit tamarmik ineriartortitsinissamut ingerlatseqataasinnaanerat Naalakkersuinikkut qulakkeerneqassaaq. Nunatsinni kajuminnartuusariaqarpoq sumiiffiit tamarmik ineriartortissallugit, najugaqarfigissallugit aningaasatigullu piorsassallugit. Kommunerujussuarni kiffartuussineq, suliffissaqarneq aningaasatigullu atugassarititaasut naligiinnerunissaat anguniarlugu ineriartortitsineq ingerlanneqassaaq.” Issuaaneq naavoq.

Inuit Ataqtigiit suleqataarusuppugut illua-tungeriinneq apeqqutaatinnagu nunatta inuisa atugaat salliutillugit. Naalakkersuinikkut isumaqtiginninniarfigisassavut soorunami qanoq siunertaqarnerat ilisimallugu suleqatigiiffiusinnaasut ujartortarpagut, aamma matumani oqaaseqaammi isumaqtigisavut pillugit naalakkersuisooqtigiit siuttuisa partiit anguniagai ataatsimeersuarnermilu aalajangersarsimasaat iluatinnaatillit pillugit amerlanerussusiiniartarluta. Naatsorsuutigaarpummi Siumup ataatsimeersuarnermi aalajangersarsimasaat malillugit naalakkersuinikkut sulineq timitalersuiffiussasoq. Takussavarpummi aningaasanut inatsisissaq pingajussaaneerneqartinnagu ataatsimeersuarnermi aalajangersakkat aamma Inuit Ataqtigiinniit suleqataaffigisinnaasavut timitalersuiffigineqassanersut.

Taamaammatt Inuit Ataqtigiit isumarput malillugu partii Siumut ataatsimeersuarnermi aalajangersarsimasaat naapertukannerlugit nunatta sineriaani kommunini nunaqarfinnilu sanaartugassanik siammasissumik sanaartornermut aningaasaliinissaq anguniarlugu suleqataanissarput ammaffigaarput. Illoqarfippassuit nunaqarfippassuillu sanaartorfiusussaannngitsut aningaasaliiffigerusuppagut. Kissaatigaarput suleqatissarsiorpugullu anginiakkat iluatsittumik timitaliiffiginissaannut.

### **Imminut pilersorneq**

Inuussutissalerinermik oqartussaaffik naalagaaffeqtitsinniit nunatsinnut nuunneqarluni nunatta nammeneq inuussutissalerinikkut oqartussaaffimmik tamakkiisumik oqartussaaffeqalernissaa Inuit Ataqtigiit anguniagaanut ilaavoq. Takusinnaasavut naapertorlugit aamma Siumut ataatsimeersuarnermi siunniussimasaa isumaqtigalugu suliassaq ingerlanniarsimavarput. Timitaliinissaq kissaatigisarput nallermat naalakkersuisooqtigiit akisussaaffimmik tigusinissaq navianarpallaarnerarlugu tunuartilermatali suli tusannngilarput navianarlunnartumik kingunerisassat suunersut erseqqissarneqarnissaat.

Inuit Ataqtigiit politikkikkut kissaatigaarput nunatsinni imminut inuussutissanik pilersornitta assut siuarsarneqarlunilu suliffissanik nutaanik pilersitsiviussasoq. Maannalu aningaasanut inatsisissami aamma nunalerinermut siunnersuisooqtigiit innersuussutigisaat malillugit aningaasalersuisoqarnissaa aallartissasoq kissaatigisimallutigu. Siumup qineqqusaarutaa Inuit Ataqtigiit qineqqusaarutaanut naapertuuttoq, aamma ataatsimeersuarnermi aalajangersarsimasaat ikioqtigiiffissatut isigisarput ima oqaasertaqarmat. Issuaavunga:

”Nunalerinerup uumasuuteqarnerullu inuussutissarsiutaanerisa annertusarnissaat Siumup sulisutiguassavaa, aamma ineriartortitsinermut aningaasalersueriaatsit ilanngullugit.” Issuaaneq naavoq. Inuit Ataqtigiit suleqataarusukkatta partiit naalakkersuisooqataasut siuttui aamma soqutigaagut misissortarpagullu qanoq siunnerfeqarnersut, isumaqataaffigisavullu suleqatigiinnikkut timitalersueqataaniarfigisarpagut.

Neriuppugut aamma timitaliisoqassasoq. Takorloorsinnaannngilluinnarparpummi Inuit Ataqtigiit immikkoortortaqarfiisa politikkikkut anguniagassatut tikkuussissutigisaat ataatsimeersuarnermi aalajangersarneqartut tunuinnarneqassasut. Maannakkut 2021-imi aningaasanut inatsimmi Siumup ataatsimeersuarnermi aalajangersagai aamma naalakkersuisooqtigiinnermi isumaqtigiissummi amerlasuut allaqqareersut timitalerneqassanngippata pinartoqassasorinarpoq. Inuit Ataqtigiit partiit

allat siunniussai aalajangersakkat isumaqataaffigut pillugit suleqataarusuppugut. 2021-imi aningaasanut inatsisissaq tassaammat qinigaaffimmi angusaqarnissamut timitaliinissamullu aningaasanut inatsisissat suliarineqartut kingullersaat.

## **Nunatta aningaasaqarnera**

Inuit Ataqtigiit Aningaasanut Inatsisimmut isumaqatigiinninniarnert aalartimmata ammasumik ingerlanneqarnissaat kissaatigaat. Inuillu atugaat aningaasaqarnikkullu periarfissaat qaffassarneqasasut kissaatigaagut.

1. Inuit atugaannik oqilisaanissaq kissaatigaarput – Imminut napatittut amerlinissaat 200 mio. kr.-inik akitsuutit siorna 2019-imi eqqunneqartut peerneqarnissaat. Imaluunniit.

- Akileraarnermi inummut ilanngaatip akit qaffakkiartornerannut naapertuussarneqassasoq.

2. Siusissukkut iliuseqarneq

- Perorsaasut akissarsiaasa inulerisut allat akissarsiaannut naapertuuttumik aaqqiivigineqassasut.

- Meeqqat kigutaasa narlorsarneqartarnerisa aaqqiiviginissaat.

- Pinaveersaartitsinermi annertusaanissamut, kulturilerinikkut timersornikkullu immikkut ittumik iliuseqarnissamut aningaasaateqarfimmik qinnuteqarfigneqarsinnaasumik pilersitsineq.

3. Timi tarnilu 7,5 mio. kr.

- Eqqumiitsuliornermut aningaasaateqarfik aallartinneqassasoq ingerlatsinerlu aningaasartuutit ilanngullugit. GIF-ip 2030-mi aalanerulernissamut siunertaanut immikkut iliuseqarnissamut nunarput peqataassasoq aningaasartallimmik. Peqqissartut illuini timikkut tarnikkullu isumassuinnissamut sulisoqarnikkullu qaffasaanermut aningaasaliisoqassasoq.

4. Silap pissusaata allanngoriartorneranut avatangiisinullu iliuseqarnermut aningaasaliisoqassasoq. Silap pissusaata allanngoriartorneranut iliuseqarnermut aningaasaliisoqassasoq. ICC-mut aningaasaliissutit apparneqassanngitsut, tassani aamma partii Siumup aalajangersarsimasai isumaqatigisavut timitalerumagatsigit.

- Avatangiisinut saliinnermut, eqqakkanut, anartarfiit igittakkat suliarineqarnissaannut, siunertanullu allannut immikkut ittumik iliuseqarnermut aningaasaliisoqassasoq.

5. Allaffissornerup eqaallisarneranut aningaasartuutillu malunnaatilimmik appartinneqarnissaannut.

- Allaffissornermut aaqqissuusseqqinneq aallartittoq peqataaffigiumavarput - Qitiusumik allaffissuarmi atorfinitsitsinerit nutaat nunatta avataaneersunik atorfinitsitsinerit unitsinneqassasut (ansættelsesstop). Atorfiit pisariaqavissut, soorlu

isumaginninnermi peqqinnissaqarnermullu tunngasut ilanngunnagit.

- Naalackersuisut inuiaqatigiinniit akilersugaasunik biileqartitaanerat atorunnaarsinneqassasoq.

- Avataanut siunnersortinut aningaasartuutit malunnaatilimmik apparneqassasut.

Inuit Ataqtigiit nunatsinni naalackersuinikkut ingerlatsinermi aningaasarsiorinikkut killiffik ajoriinnagassaannngitsutut nalilerpaat. Aningaasarsiorinikkut sanaartugassanik annertuunik aamma inuiaqatigiinni ineriartortitsiuarnissaq pisariaqartoq ilalersorparput. Eqqumaffigivarpulli aamma isiginngitsuusaannngilarput nunatta aningaasarsiorluarnera nunatsinni inuit ataatsimut inuulluataarnerulissutiginnngimmassuk. Inuit akissaatikittut, ilaqutariit meeraqqortuut, anaanat ataatat kisimiittut, utoqqaat innarluutillillu, ilami nunaqarfiit illoqarfiillu amerlasuut atukkamikkut aningaasarsiorinikkullu pitsaanngitsumik eqqorneqaatigaat. Ingerlatseqatigiiffiit kaaviiartitaat qaffattut, ingerlatseqatigiiffiit akileraarutaat appartut, malitsigitillugu ingerlatseqatigiiffiit inuiaqatigiinnut akit atugassarititaat akit qaffasissut allannguuteqannngitsut.

Naatsorsueqqissaartarfiup uppersarpaa inuiaqatigiinni inuit atukkamikkut aningaasaqarnikkullu imminnut avissaaqussimanerat annertusiarortoq. Kommunit aningaasarissaarnerulernissaat naalackersuinikkut pakkersimaarneqartoq, naak kommunini isumaginninnikkut unammilligassat qaffasissut, suliffissaaleqineq qaffasissuq, inuussutissarsiuteqassutsikkullu siuarsarnaveeqqanerup kinguneru illoqarfiit sanaartorfiginagit inissianik ingutseriffiusut tamatta ilisimagaluarlutigu.

Allanngortoqassappat suleqatigiittariaqaratta, katersuuttariaqarattalu akisussaaffimmik tamatta tigusariaqarpugut. Suleqatigiittariaqarnitta pingaarnepaaffiani uggornaqaaq Aningaasaqarnermut Ataatsimiititaliap suliniarnermini Naalackersuisuniit pitsaasumik suleqatigineqarsimannginnera. Aningaasaqarnikkut oqimaaqatigiissumik amigartooruteqanngitsumillu missingersuuteqarnissaq Aningaasaqarnermut Ataatsimiititaliap piumasaqaatai Inuit Ataqtatigiinniit isumaqatigaagut. Ukiuni tulluuttuni inuiaqatigiit aningaasaatiminnik nunatta amigartoorutaanut matussusiiniarsarinatik ineriartornermut atugarissaarnermullu pilersitsinissamat aningaasaliinissaat kissaatigatsigu.

Oqaannarsinnaanngilagut nunarput aatsaat taamak aningaasaateqartigisoq, missingersuusiorluttalu amigartoorujussuarnissaq 140 mio.kr.-nit angullugit. Tamanna isumaqatiginngilarput. Amigartoor-nissaq Inuit Ataqtatigiit mattutivinnek ajorparput inuit ulluinnarni inuuniarnerannut atukkatigut oqilisaassinissaq pineqartillugu. Imaluunniit siunissami atugartuussutsikkut oqilisaataasussat aningaasalersuiffiginissaannut inuit kaasarfiit pilliutigalugit aqqissuussisoqassatinnagu. Massakkut naalackersuinikkut inuit akissaatikinnerpaat kaasarfiit imaarlugit pisuut uniiniarikkut atugaat suli oqinnerulersinniarlugit aqqissuussineq tunngaviusoq soorunami Inuit Ataqtatigiit isumaqatiginngi-larput.

Partiuvugut saamerliusoq. Inuit Aningaasarsiorluartut ingerlalluarnissaat soqtigisaraarput. Ingerlatseqatigiiffiit ingerlalluarnissaat soqtigisaraarput. Aningaasarsiorluartitsinissaq ujartu-garaarput. Taamaallluta inuit pisariaqartitsinerpaat aamma akissaatikittut ineriartortillugillu siuar-sarneqarnissaat akissaqarfigalugu inuiaat nammaqatigiinnerat aallartiffigalugu inuit imminnut pilersorsinnaasut makitertinnissaat akissaqarfigerusukkatsigu.

## **Peqqinnissaqarfik**

Ukiualuit qaangiupput inuppassuit isumaqatigiillutik peqqinnissaqarfimmi inoqatitik sakkortuumik nappaatillit ikiorusukkaluarnermik allaat akileraarut qaffallugu peqqinnissaqarfiup pitsanngorsar-neqarnissaa qinikkanut kaammattuutigisalermassuk. Inuit nunatsinni naqissuserpaat ikioqatigiinneq annertusissasoq aamma peqqinnissaqarfimmi atukkat naammaginagit naalackersuinikkut iliuusissat nutaat ujartorneqartut.

Massakkut naalackersuinikkut peqqinnissaqarfiup akit nalimmassarneqarnissaat pinngitsoortinniar-lugu naalackersuinikkut aalajangersaaniarnerit tikippagut. Aningaasat 50 mio. kr.-nit missiliorlugit peqqinnissaqarfimmi siuarsaarnermut atorneqarsinnaagaluartut naalackersuinikkut pinngitsoortinni-arneqartut Inuit Ataqtatigiinniit isumaqatiginngilagut. Inuppassuit isumaat Inuit Ataqtatigiinniit tunu-liaqutserpagut. Tassa, napparsimasortavut pitsaarnepaamik ikiorneqarnissaat aningaasalersortaria-qarpagut. Ataatsimoorluta ikoqatigiittariaqarpugut, inuiaqatigiittut peqqissusitta unammiller-paatigut. Nukivut katersuullugit suleqatigiilluta peqqinnissaqarfiup innuttaasullu akunneranni ”ikeq mamisarniartigu”.

Inuit Ataqtatigiit sinnerlugit oqaaseqarninni naqissuserlara inoqatitta peqqissusaat tamanit salliutik-kumagatsigu. Erseqqissarlara Atassutip siunnersuutaa, tassalu peqqinnissaqarfiup naalagaaffimmut ”uterteqqinneqarnissaa” pillugu siunnersuut Inatsisartuni oqallisigineqarmat inuk qitiutinnagu eqqarsartariaaseq pigiliussa qitiutillugu oqallinnertut nalilernerneqarsinnaammat. Oqallissaarut torral-lataasoraara. Apeqquserneqarmat peqqinnissaqarfik inuiaqatigiittut naammattumik pitsaas-

suseqartillugu kivissinnaaneripput. Uanga nammineq isumaqarpunga peqqinnissaqarfik pillugu akisussaaffik naalagaaffimmut nunatsinnulluunniit akisussaaffigisassanngortinneqassanersoq kisiat eqqartornagu naalagaaffeqatigiinnermi nukiit kattullugit suleqatigiinnerup annertusarneqarnissaa aallartissallugu torrallataanerpaamik angusaqarfiusimassagaluartoq.

Inoqatikka, ikinngutikka, suleqatikka, ilami ilaqtavut nunaqqativullu sulii pitsaanerusemik peqqinnissaqarfimmiit sullinneqarsinnaasut upperaara. Naalagaaffiit nunallu killeqarfii akimorlugit suleqatigiittoqarsinnaasooq upperaara. Upperaara ullumikkut peqqinnissaqarfeqarnikkut innuttaasunut atugassaritavut uniffigiinnarnagit nukit annertusillugu nunaqqatitta inuuginnarnissaat salliutikkutsigu tamatsinnut iluanaarutissamik siuarsaasinnaasugut. Qallunaajuneq kalaaliunerlu inuup naleqassusianut uuttuutigissallugu tulluannigilaq.

Inuit Ataqtigiit peqqinnissaqarfik pillugu isummersornerup kipinani nangeqqinneqarnissaa kissaatigaarput. Peqqinnissaqarfik pillugu aqqitassat naaffeqanngiusattumik unammilligassaqartitsiuassapput suleqateqallaqqinnitsigut anigorniagassavut. Tullerput salliuatillugu suleqatigiinneq annertoq pilersittariaqarparput. Nunat killeqarfii aamma inuiaassutsikkut assigiinngissuseq aporfiginagu inuup inuunera qiteralugu sulineq aallartinniartigu.

### **Suleqatigiiffissat isummersornikkut nassaarisigut**

Partii Siumut, Demokraatit aamma Nunatta qitornai, Inuit Ataqtigiit isumaqarpugut suleqatigiiffissaqartugut. Inuit Ataqtigiit maluginiakkavut naapertorlugit partiit naalakkersuinikkut siunnerfii ataatsimeersuarnermi naqissusikkat qineqqusaarutillu tunngavigissagaanni tamatta immitsinnut ungasinngilagit. Naalakkersuinikkut sulinitisinni aamma nunatta qinikkaniit aqunneqarnera tunngavigissagaanni isumaqatiginninniarnarit qanga pikkoriffigisavut maanna annertunerpaartaat eqqaama-sassaannangorput.

Ataatsimiititaliat ataavartut sungiusimasavut kisiisa tunngavigalugit ullumikkut suleriaaseq mattoqqanerujussuaq tamatta pitsaanngitsumik nalaataqarfigaagut. Siulitta qinikkat torrallassimasaat isumaqatigiinniarfissatut ataatsimiititaliaagallartunik pilersitsisarnerit maqaasivagut. Maani inersuarmi oqaaseqarfissat 2 mitsikkaat kisiisa periarfissarinagit inersuarmut isinnginnitsinni naapeqatigiiffissarsiortarnerit atorluarniartigit. Massakutut naalakkersuinikkut sulineq maanna inatsisartut aningaasanut inatsisissaannik suliaqarnermi uppernarseqqipparput naaperiarfissarsiortarnerit torrallataasut atortarsimasagut amigaatigalugit.

Inuit Ataqtigiit akisussaaffimmik tiguseqataanissatsinnut aamma aningaasanut inatsit pillugu piareersimavugut. Demokraatiniit, Siumumiit oqaatigineqartut isumaqatigaagut, tassalu ataatsimiititaliani suleqatigiinnerit, naapeqatigiinnerit, suliasallu pitsaasumik naammassineqarnissaat siulertaralugu ingerlatsillaqqissuuvugut. Naalakkersuisooqataaneq illua-tungiliuttuunerlu aporfiginagit katersuuffeqarniarnissaq Inatsisartunut ilaasortat akornanni ajornartorsiutaanngitsut Inuit Ataqtigiit nalilertarparput. Naalakkersuisullu suliarisaat piffissaq sivikitsoq atorlugu isummerfigalugillu suliasavut assut aporfiliisarnerat tamatsinnut peqqinnanngitsoq tamatta nasserutigissallutigu nukissaqarfigilertariaqarparput. Inatsisartunut ilaasortat inattagassaannartut inisimaleriartuinnarnerat mianersuuttariaqarpoq, tamanna innuttaasut inatsisiliornikkut peqqissaartumik sullinneqarnissaannut aamma sunniuteqarnerluttoq tamatta nalunngilarput. Naalakkersuisooqatigiit ilissinnut kaammattuuterput paasinerloqqunangeqaaq. Naalakkersuisunut ilaasortaq Steen Lyngø qanilaartumik, ataatsimoortitsisumik, piffissaagallartillugulu Inatsisiliortunut paasissutis-sanik ilisimasariaqartunillu saqqummiisarnera Inuit Ataqtigiinniit assut pitsaasutut sigaarput.

Taamatut illua-tungeriinneq apeqqutaatinnagu Naalakkersuisunngortup sulinera qanortoq Naalakkersuisut sinnerisa aamma atorluarlissuk. Kisermaassinani ilisimasaaqatigiilluni isummat

katersuuffeqarnissaat ataatsimoortitsisartoq naalakkersuinikkut Inatsisartuniit piumasaqaatigineqarnissaa nukissaqarfigineqalissasoq Inuit Ataqtigiiit ujartorparput. Suut tamarmik Naalakkersuisut piumasaattut ingerlanneqartussatut isigineqalissappata oqartussaaqatigiilluta aqutsinerput akigisimassavarput.

Maanna aamma aningaasanut inatsisissatut siunnersuut suliarineqartoq oqaluttuarisaanermi pisut tupinnartut ilagilerpaat. Maanna aningaasanut inatsisissaq Aningaasaqarnermut Ataatsimiititaliap inuiaqatigiit sinnerlugit peqqissaartumik sulinissaminut piffissaalatsinera tunngavigalugu aningaasanut inatsisissap tamakkiisumik qulaajarneqarnissaa pisimanngitsoq, suliassap pingajussaaneerseqartinnagu Aningaasaqarnermut Akileraartarnermullu ataatsimiititaliami tamakkiisumik suliarineqarnissaa Inuit Ataqtigiinniit inassutigaarput.